


Anleitung wie man geschicklich einen vmbkreis beschreiben sol. Sebastianus Münster.



Nach dir zum Ersten ein Tefelin/ ein halben cir-
ckel/ vnnnd theil in auß wie du sichst hie durch
mich gethan/ Mach auch ein regel darauff/ die
im centro herumb lauffen müge/ darnach ne-
me ein halben bogen bappirs vnnnd mach ein
linien durch die mitte/ dem langen weg nach. Mach weiter einn ander
lini überzwerch/ auch inn der mitte vnnnd wo sich diese linienn durch-
schneidenn/ da setz hin dein Stat/ der vmbkreis du begerst zů beschrei-
ben. Wann das geschehen ist/ so mach neben der langen linienn auff
beidenn seiten sechs ander linienn/ deren ie eine von der andern schier
zwen zwerch finger stand/ dann so groß spacium must du nemenn für
ein meil. Mach darnach überzwerch auch sechs odder sibenn linienn
oben vñ vnden, in gleicher weite von einander stehnd/ wie du die vor-
dige gemacht hast. Zum dritten mach ein kleinen Quadrant auff einn
bappir vnd den theil auch in. 36. theil/ mit dem du die fleckenn insetzen
wügest/ Du must auch gut acht haben auff die meilen das du sie gleich
machst in deiner beschreibung.